

## Hysbysiad Prosesu Teg – Cynllun Teithio Rhatach

### 1. Pam rydyn ni'n casglu'ch gwybodaeth bersonol ac yn ei chadw?

Rydyn ni'n casglu'ch gwybodaeth bersonol ac yn ei defnyddio er mwyn inni allu gweld pwy sy'n gymwys i gael tocyn teithio rhatach.

Caiff eich data eu Prosesu:

- Oherwydd bod gennym rwymedigaeth gyfreithiol i wneud hynny
- Oherwydd bod hyn yn angenrheidiol er mwyn cyflawni'r dasg gyhoeddus hon

### 2. Sut caiff gwybodaeth amdanoch ei defnyddio.

Bydd y wybodaeth a roddwch yn cael ei phrosesu yn unol â Rheoliadau Diogelu Data Cyffredinol 2016 a Deddf Trafnidiaeth 2000.

Mae'n ddyletswydd arnom i ddiogelu'r cronfeydd cyhoeddus rydyn ni'n eu gweinyddu, a gallwn ddefnyddio'r wybodaeth a ddarperir gennych ar y ffurflen hon i sicrhau eich bod yn gymwys i gael tocyn teithio rhatach. Byddwn yn sicrhau'r wybodaeth gydag adrannau eraill yng Nghyngor Sir Penfro.

Byddwn hefyd yn datgelu unrhyw ffeithiau sy'n ofynnol yn ôl y gyfraith, a gallwn hefyd rannu'r wybodaeth hon gyda chyrrff eraill sy'n gyfrifol am ddatgelu/atal twyll neu archwilio/weinyddu cronfeydd cyhoeddus, er mwyn sicrhau bod arian yn cael ei dargedu a'i wario yn y ffordd fwyaf addas ac effeithiol o ran cost. Er mwyn gwneud hyn, mae angen manylion y sawl sy'n gwneud cais am docyn teithio rhatach a pham mae ef/hi yn gymwys. Caiff y wybodaeth hon ei rhannu gyda Llywodraeth Cymru sy'n ariannu'r cynllun. Gellir rhannu gwybodaeth hefyd gydag adrannau mewnol eraill yng Nghyngor Sir Penfro a chydag Archwilydd Cyffredinol Cymru.

Pan wneir cais ar sail anabledd, gall fod angen anfon y ffurflen gais at feddyg teulu'r ymgeisydd i hwnnw/honno gael cadarnhau cymhwyster i gael tocyn teithio. Wedyn caiff adran berthnasol y ffurflen ei llenwi gan y meddyg teulu a'i dychwelyd i Uned Drafnidiaeth y Cyngor.

Ni fyddwn yn datgelu dim byd i drydydd partïon at ddibenion marchnata.

Bydd eich data yn ddiogel ac yn gyfrinachol bob amser, a byddwn yn casglu dim ond y wybodaeth bersonol sy'n ofynnol i asesu eich hawl i gael Tocyn Teithio Rhatach gan Gyngor Sir Penfro.

### 3. Pa mor hir fyddwn ni'n cadw'ch gwybodaeth?

Bydd y wybodaeth ganlynol oddi ar y ffurflen gais a'r ffurflen asesu anabledd (os yw'n gymwys) a roir inni yn cael ei rhoi ar Gronfa Ddata Tocynnau Teithio Rhatach Cymru Gyfan:

- Enw, cyfeiriad, dyddiad geni, Rhif YG, Rhif Ffôn (os darperir), cyfeiriad e-bost (os darperir). Ffotograff.

Byddwn yn cadw'r ffurflen gais a'r ffurflen asesu anabledd (os yw'n gymwys) a ddarperir inni am ddim o leiaf chwe blynedd, yn unol â gofynion archwilio Llywodraeth Cymru. Ar ôl chwe blynedd caiff y ffurflenni cais eu dinistrio'n ddiogel. Bydd y cofnodion electronig ar gyfer pob un sydd â thocyn teithio rhatach yn cael eu cadw nes inni gael gwybod nad oes arnoch angen y tocyn teithio mwyach.

### 4. Cael gweld fy ngwybodaeth bersonol?

Gallwch gael gwybod a ydyn ni'n cadw unrhyw wybodaeth bersonol drwy wneud cais gan destun mynediad dan Reoliadau Diogelu Data Cyffredinol 2016. I wneud cais am unrhyw wybodaeth bersonol a all fod gennym amdanoch, bydd angen ichi wneud eich cais yn ysgrifenedig a'i gyfeirio at:

Y Tîm Gweld Cofnodion  
Cyngor Sir Penfro  
Neuadd y Sir  
Hwlfordd  
SA61 1TP

## 5. Eich Hawliau

Dan Reoliadau Diogelu Data Cyffredinol 2016 mae gennych hawliau fel unigolyn y gallwch eu hymarfer mewn cysylltiad â'r wybodaeth sydd gennym amdanoch:

- Yr hawl i **weld** – mae gennych hawl i ofyn am gael gweld gwybodaeth sydd gennym amdanoch ac i gael copi ohoni.
- Yr hawl i **gywiro** – mae gennych hawl i ofyn am i'ch gwybodaeth gael ei chywiro.
- Gall yr hawl i **gyfyngu** prosesu fod yn gymwys - gallwch ofyn inni atal prosesu eich data personol, ond gall hyn olygu oedi neu ein hatal rhag darparu gwasanaeth ichi. Byddwn yn ceisio cydymffurfio â'ch cais, ond gall fod angen inni gadw neu brosesu gwybodaeth i gydymffurfio â'n dyletswyddau cyfreithiol.
- Yr hawl i **wrthwynebu** – dydy hyn ddim yn hawl lwyr, a bydd yn dibynnu ar y rheswm dros brosesu eich gwybodaeth bersonol.
- Yr hawl i **beidio â bod yn destun gwneud penderfyniadau a phroffiliau awtomatig.**

## 6. Cwynion neu Ymholiadau.

Mae Cyngor Sir Penfro yn ceisio cyrraedd y safonau uchaf wrth gasglu gwybodaeth bersonol a'i defnyddio. Am y rheswm hwnnw rydyn ni'n ystyried unrhyw gwynion a gawn ynglŷn â hyn o ddifrif. Rydyn ni'n annog pobl i dynnu'n sylw at hynny os credant fod y ffordd rydyn ni'n casglu neu'n defnyddio gwybodaeth yn annheg, yn gamarweiniol neu'n anaddas.

Nid yw'r hysbysiad preifatrwydd hwn yn cynnwys yr holl fanylion am bob agwedd ar y ffordd rydyn ni'n casglu gwybodaeth bersonol a'i defnyddio. Fodd bynnag, rydyn ni'n barod i ddarparu unrhyw wybodaeth neu esboniad ychwanegol sy'n ofynnol. Dylid anfon unrhyw geisiadau am hyn i'r cyfeiriad isod:

Jo Hendy, Swyddog Diogelu Data  
Cyngor Sir Penfro  
Neuadd y Sir  
Hwlfordd  
SA61 1TP

E-bost: [dataprotection@pembrokeshire.gov.uk](mailto:dataprotection@pembrokeshire.gov.uk)  
Teleffon: 01437 764551

Os byddwch am wneud cwyn am y ffordd rydyn ni wedi prosesu'ch gwybodaeth bersonol, gallwch gysylltu â Swyddfa'r Comisiynydd Gwybodaeth fel y corff statudol sy'n goruchwyllo cyfraith diogelu data:

Swyddfa'r Comisiynydd Gwybodaeth  
Wycliffe House  
Water Lane  
Wilmslow  
SK9 5AF

Achos e-bost: [work@ico.org.uk](mailto:work@ico.org.uk) Rhif teleffon: 0303 123 1113

**7. Newidiadau yn yr hysbysiad preifatrwydd hwn.**

Rydyn ni'n adolygu ein hysbysiad preifatrwydd yn rheolaidd.